

INUIT ATAQATIGIIT

Inatsisartuni



UKA2019/Imm. 45 & 122

9. oktober 2019

Stine Egede

Naalakkersuisut attartornermut inatsisissatut siunnersuutissaminni pisortat inissiaatileqatigiiffiisa attartunngortussanut inissiamik neqeroornerminni inissiaq neqeroorutertik ukiut tallimat kingulliit iluanni oqummik ajornartorsiuteqartoq paasineqarsimagaangat nalunaartalernissaannik pisussaaffiliinissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut Ilaasortaq Sofia Geisler, Inuit Ataqatigiit)

aamma

Attartornermut inatsisissatut siunnersuutissaminni attartortut suliffimmut atatillugu inissaminnik tunineqarnerminni inissiami ukiut tallimat kingulliit iluanni oqummik ajornartorsiuteqartoq paasineqarsimagaangat attartortut inissiamik allamik tunineqarnissaminnik annasaqaqaratik naaggaarsinnaalernissaannik Naalakkersuisut suliaqarnissaannik peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut Ilaasortaq Sofia Geisler, Inuit Ataqatigiit)

Sofia Geisler Inuit Ataqatigiit qujaffigiumavarput siunnersuutinut soqtiginarluartunut.

Nunatsinni ajornartorsiut, tassalu oquk annertusigaluttuinnartutut ippoq. Tusartuarpagut ineqarfiiit, imaluunniit init ataasiakkaat matuneqartariaqartut imaluunniit matugallarneqartariaqartut oqoqarneri pissutigalugit. Allaammi allattoqarfiiit, atuarfiiit meeqgeriviit ilaalu ilanngullugit matuneqarlutilluunniit matugallarneqartariaqartarput.

Nunatsinni ineqarnermik nammineerluta ingerlatsilernitsinninngaanniit ukiorpaalussuanngorput. Illorpassuit aserfallassimasut matuuinnarneqarput, amerlasuullu isaterneqarput. Ajoraluartumilli amerlasoorpassuit taarteqarneq ajorput. Illoqarfinni anginerni tamani inissaaleqineq qaffakkaluttuinnarpoq. Inuit amerlanerujartortut illoqarfinnut anginerusunut nutserarneri pissutigalugit, illoqarfiiit mikinerusut, kiisalu nunaqarfippassuit inukilliartuinnalersimapput.

Angerlarsimaffeqanngitsut amerliartuinnavipput, pingartumik illoqarfinni anginerni.

Inuit Ataqatigiinni kommuuninut inissianik tunniussiniarnermi nalilersuilluartoqarnissaa kissaatigaarput. Tassami aningaasatigut malitseqartariaqarluinnarneri kialuunniit

apeqqusersorsinnaanngilaa. Kommuunit aningaasameereequisut akisussaaffimmik tigusinermi, pingaartumik inissiat pisoqqat, aserfallassimasut pineqartillugit piareersimannngillat.

Oquk inuit ilaasa malugisanngikkaat, allat sakkortuumik qisuararfisarpaat. Tassami pingaartumik anersaartuutitigut ajornartorsiutilinnut sakkortuumik sunniuteqarnerluttartoq nalujunnaareerparput.

Pingaartumik meeqqat, arlaatigullu sanngiiffeqalersimasut tassani ulorianartorsiortinneqartarput.

Ullumikkut pisortat attartortittagaat init siusinnerusukkut oqummik eqqugaasimasut iluarsaateriarlugit – oquiariarlugit, attartorteqqinnejartarput. Attartuisussarlu ilisimatinneqarneq ajorpoq ini siuornatigut oqummik eqqugaasimanersoq. Siunnersuuteqartup qaqtua paasilluarlugu isumaqataaffigalugu taperserparput. Isumaqaratta inuup peqqissusia immeraatissaanngiitsoq.

Tassalu immikkoortoq 45-mut tunngatillugu, tassalu inissiamik neqerooruteqarnermi, neqeroorfingineqartup nalunaarfigineqarnissaanik pisussaaffiliineq, inissiap neqeroorutigineqartup ukiut kingullit tallimat iluanni oqoqarnera patsisigalugu arlaatigut iluarsartuutariaqarsimaneranik imalik. Tamannalu pissaaq ilaatigut attartortut peqqissusaat illersorniarlugit. Inuit Ataqatigiinni akuersaaratsigu oqaatigissavarput.

Immikkoortoq 122-mut tunngatillugu aammattaaq akuersarnerput oqaatigissavarput. Tassanilu pineqarpoq ukiut kingullit tallimat ingerlaneranni inimi suliffimmut atatillugu neqeroorutigineqartumi oquk ajornartorsiutaasimappat neqeroorfingineqartup utaqgisuni inissisimanerminut annaasaqarani inissiamut neqeroorummut naaggaarsinnaanngornissaa.

Qulaani tunngavilersuutigeriikkagut aamma uunga tunngavilersuutigissavagut.

Eqqarsarnarpoq qangali inatsisinik iluarsasisimannginnatta. Nalunngilarpummi ukiorpaalussuanngortuni qanoq oqummik ajornartorsiuteqarneq annertusiartuinnartigisoq.

Inissiat pisortanit pigineqartut attartortittakkat pillugit siunnersuut una attuumassuteqarpoq, alloriarnerussalluni siulleq. Tullinnguullugit taamatulli sammisariaqakkagut tassaapput nammineerisamik pigisanik attartortittakkani attartortut pisinnaatitaaffiisa ukkatarinissaat.

Sofia Geisler, Inuit Ataqatigiit qutsivigeqqikkumavarput apeqqummut inuppassuarnut iluaqutaasussamut siunnersuuteqarneranut.

Taama oqaaseqarluta, siunnersuutit Sanaartornermut ataatimiitaliamut peqqissaartumik suliassangorlugu ingerlateqqipparput.